

«Առողջապահության կառավարում և վարչարարություն» (Health management and administration MBA) մագիստրոսական ծրագիր

Ընդհանուր տեղեկություն

«Առողջապահության կառավարում և վարչարարություն» (Health management and administration) MBA-ի կրթական ծրագիրը նպատակաուղղված է առողջապահության ոլորտում կառավարման ունակությունների ձևավորմանը: Առողջապահության ոլորտի կառավարիչը մի կողմից տիրապետում է բիզնես վարչարարության և կառավարման հմտությունների, մյուս կողմից օժտված է բուժական գործի գիտելիքներով, առողջապահության ոլորտի իրավական կարգավորումների խոր իմացությամբ և առողջապահության ոլորտի տեխնոլոգիական ունակություններով, որոնք անհրաժեշտ են բժշկական հաստատությունների գործընթացների կազմակերպման և ոլորտում հետազոտական, խորհրդատվական, կառավարչական գործունեություն ծավալելու կամ առողջապահության նախարարության ռազմավարական պլանավորման գործընթացներում ներգրավվելու համար: Երջանավարտին **շնորհվում է «Կառավարման մագիստրոս» որակավորում:** Ծրագիրը մշակվել է առողջապահության ոլորտի մասնագետների ակտիվ մասնակցությամբ և միտված է ոլորտի կառավարման փորձի նորագույն զարգացումներին:

Ծրագրի տևողությունը 1 տարի է, դասապրոցերը նախատեսվում է իրականացնել շաբաթական երկու անգամ՝ ուրբաթ և շաբաթ օրերին, ժամը 16:00-20:00-ն՝ մոդուլային սկզբունքով: Մասնագիտական դասընթացներին զուգահեռ կամ դասընթացից հետո մագիստրոսը համապատասխան փորձառություն պետք է անցնի առաջատար բժշկական կենտրոններում՝ ծանոթանալով այդ դասընթացի շրջանակներում ուսումնասիրված նյութի գործնական կիրառման ասպեկտներին:

Ծրագրի շրջանակներում որպես դասախոսներ ներգրավվելու են առողջապահության ոլորտի և բժշկական կենտրոնների կառավարման, գնումների, ֆինանսների, բուժական գործի փորձառու մասնագետներ՝ «Ազգային բժշկական պալատ «ՄՄ»ՀԿ-ից, առողջապահության նախարարությունից և ծրագրի գործընկեր բժշկական կենտրոններից: Ակնկալվում է նաև միջազգային հայտնի կազմակերպություններից հրավիրյալ դասախոսների ներգրավում, ինչպես նաև՝ ուսանողների մասնակցություն ոլորտի բազմաբնույթ միջոցառումներին: Ուսումնական գործընթացի համար, բացի ՀՊՏՀ ենթակառուցվածքներից, կկիրառվեն նաև գործընկեր բժշկական հաստատությունների ենթակառուցվածները, ապարատային և տեխնոլոգիական հնարավորությունները, գրադարանային ռեսուրսները, որոնց ուսանողները կծանոթանան հենց դասընթացների շրջանակներում՝ պարբերաբար կազմակերպվող փորձառությունների ընթացքում այցելելով ընկերություններ:

Ուսման վճարը ամբողջ ծրագրի համար 1.200.000 ՀՀ դրամ է:

Մասնագիտության նկարագիրը

«Առողջապահության կառավարում և վարչարարություն» (Health management and administration) MBA-ի կրթական ծրագիրը պատրաստում է առողջապահության

ոլորտում կառավարման և վարչարարության ունակություններով **կառավարման որակավորում ունեցող նոր տիպի մասնագետներ**, որոնք ունեն մեծ պահանջարկ՝ բժշկական կենտրոններում, բուժական և ախտորոշման ծառայություններ մատուցող կազմակերպություններում, առողջապահության ապահովագրության ոլորտում, առողջապահության նախարարության և տեղական ինքնակառավարման մարմինների ենթակայության կազմակերպություններում: Ներկայիս իրավիճակում առկա է առողջապահության կազմակերպիչների ինստիտուտի զարգացման հրամայական: Այսօր առողջապահության ոլորտի նոր զարգացումների և կերպափոխումների ազդեցությամբ էապես վերափոխվում է բժշկական հաստատությունների կառավարման մոդելը՝ բուժական և տնտեսական բաղադրիչների առանձնացմամբ: Բժշկական կենտրոնները և բուժական ծառայություններ մատուցող կազմակերպությունները պետական պատվերի ստացման համար ստիպված են հետևողականորեն բարելավել իրենց մատուցած ծառայությունների որակը, մշակել գործարար ծրագրեր, իսկ սուր մրցակցությունը վերջիններին դրդում է կենտրոնանալ նաև շուկայավարության ծրագրերի մշակման ուղղությամբ: Ոլորտի առանձնահատկությունը կայանում է նրանում, որ բացառապես նեղ բուժական գիտելիքներով կամ նեղ կառավարչական ունակություններով արդյունավետ լուծումներ հնարավոր չեն, ինչը շատ հաճախ առաջադրում է միջառարկայական ծրագրերի մշակման պահանջ: «Առողջապահության կառավարում և վարչարարություն» (Health management and administration) MBA-ի կրթական ծրագիրը միտված է հենց առողջապահության, կառավարման և գործարար վարչարարության միջառարկայական տիրույթում հմտությունների ձևավորմանը:

Դասընթացները ներառում են առողջապահության ոլորտում կառավարման և վարչարարության չորս հիմնական ուղղություններ՝ (1) ոլորտի իրավական կարգավորում (ԱՆ ոլորտի պետական կարգավորում, գնումների գործընթաց, ապահովագրություն, իրավա-օրենսդրական կարգավորում), (2) կառավարում և վարչարարություն (մարքեթինգ, բժշկական հաստատությունների ռազմավարական կառավարում, գործառնական կառավարում, առողջապահական զբոսաշրջություն, վարքագծային տնտեսագիտություն), (3) ֆինանսներ (գնումների գործընթաց, ֆինանսական հաշվառում, ֆինանսական մենեջմենթ), (4) առողջապահական տեխնոլոգիաներ (ախտորոշման և բուժական նորագույն տեխնոլոգիաներ, վիճակագրություն), (5) առողջապահական գործունեության կառավարում (ներհիվանդանոցային վարակների կառավարում, որակի կառավարում, դեղագործության կառավարում, առողջապահության կառավարում արտակարգ իրավիճակներում):

Աշխատանքի հնարավորություններ

Ներկայումս աշխատաշուկայում առկա է այնպիսի մասնագետների պահանջ, որոնք խորությամբ տիրապետում են առողջապահության ոլորտին, բուժական գործին և միաժամանակ ունեն տնտեսության և բիզնեսի կազմակերպման և կառավարման իմացություն:

Կրթական ծրագիրը պատրաստվել է առողջապահության կառավարման ոլորտում մասնագիտական չափանիշներին համապատասխան՝ հաշվի առնելով արևմտյան բուհերի փորձը և նպատակաուղղված է մասնագետների

պատրաստմանը, որոնց պահանջարկը առողջապահության ոլորտում տարեցտարի աճում է: Շրջանավարտներն աշխատաշուկայում կարող են զբաղեցնել առողջապահության ոլորտի և բժշկական կենտրոնների այնպիսի վարչական կամ կառավարչական հաստիքներ, որոնք պահանջում են առավել խորը և գիտական մակարդակի տնտեսագիտական, կառավարման և բուժական գործի համաժամանակյա տիրապետման ունակություններ:

Նախ և առաջ ծրագրի շրջանավարտները պահանջված կլինեն առողջապահության ոլորտի պետական և մասնավոր կազմակերպություններում (ԱՆ, ԱՆ ՓԲԸ-ներ և ՊՈԱԿ-ներ, բժշկական կենտրոններ, բուժական ծառայություններ կամ ախտորոշման ծառայություններ մատուցող կենտրոններ և լոբորատորիաներ), որպես ոլորտի կառավարման մասնագետներ: Տվյալ ծրագրի շրջանակում առողջապահության ոլորտի առաջատար կազմակերպությունների և բժշկական կենտրոնների հետ հաստատված է սերտ համագործակցություն՝ ուսանողների փորձառության վայրի և հետագա աշխատանքի տեղավորման խնդիրների հարցում:

Շրջանավարտները կկարողանան իրենց գիտելիքներն առավել արդյունավետ կիրառել պետական և տեղական կառավարման առողջապահության ոլորտի բոլոր մակարդակների մարմիններում: